

ყვარლის მუნიციპალიტეტის საკრებულოს

დადგენილება №17

2021 წლის 19 ივლისი

ქ. ყვარელი

ყვარლის მუნიციპალიტეტში ადმინისტრაციულ სამართალდარღვევათა საქმისწარმოებისათვის საჭირო დოკუმენტების აღრიცხვა-ანგარიშგების წესის, ამ დოკუმენტების ფორმებისა და ნიმუშების დამტკიცების შესახებ

საქართველოს ორგანული კანონის „ადგილობრივი თვითმმართველობის კოდექსი“-ის მე-16 მუხლის მე-3 პუნქტისა და 61-ე მუხლის მე-2 პუნქტის, საქართველოს კანონის „საქართველოს ადმინისტრაციულ სამართალდარღვევათა კოდექსი“-ის 240¹-ე, 242-ე მუხლების, „მკაცრი აღრიცხვის ფორმების შესახებ“ საქართველოს კანონის მე-7 და მე-8 მუხლების, „მკაცრი აღრიცხვის ფორმების ნუსხის, მკაცრი აღრიცხვის ფორმების რეგისტრაციის წესისა და მკაცრი აღრიცხვის ფორმების რეგისტრაციის ჟურნალის ფორმის დამტკიცების თაობაზე“ საქართველოს ეკონომიკისა და მდგრადი განვითარების მინისტრის 2020 წლის 31 აგვისტოს N1-1/345 ბრძანების, „ნორმატიული აქტების შესახებ“ საქართველოს ორგანული კანონის 25-ე მუხლის პირველი პუნქტის „ბ“ ქვეპუნქტის შესაბამისად, ყვარლის მუნიციპალიტეტის საკრებულო ადგენს:

მუხლი 1

დამტკიცდეს „ყვარლის მუნიციპალიტეტში ადმინისტრაციულ სამართალდარღვევათა საქმისწარმოებისათვის საჭირო დოკუმენტების აღრიცხვა-ანგარიშგების წესი“ (დანართი №1).

მუხლი 2

დამტკიცდეს ყვარლის მუნიციპალიტეტის მერიის ადმინისტრაციული სამართალდარღვევის ოქმის ტიპური ფორმა - დანართი N2 (შეთანხმებულია საქართველოს განათლებისა და მეცნიერების სამინისტროსთან 2021 წლის 2 ივლისის NMES 0 21 0000662684 წერილით);

მუხლი 3

დამტკიცდეს ყვარლის მუნიციპალიტეტის მერიის საჯარიმო ქვითრის ტიპური ფორმა - დანართი N3 (შეთანხმებულია საქართველოს განათლებისა და მეცნიერების სამინისტროსთან 2021 წლის 2 ივლისის NMES 0 21 0000662684 წერილით);

მუხლი 4

დამტკიცდეს ყვარლის მუნიციპალიტეტის მერიის მითითების ტიპური ფორმა - დანართი N4 (შეთანხმებულია საქართველოს განათლებისა და მეცნიერების სამინისტროსთან 2021 წლის 2 ივლისის N MES 0 21 0000662684 წერილით);

მუხლი 5

დამტკიცდეს ყვარლის მუნიციპალიტეტის მერიის ადმინისტრაციული სამართალდარღვევის ოქმის აღრიცხვის ჟურნალის ფორმა - დანართი N5;

მუხლი 6

დამტკიცდეს ყვარლის მუნიციპალიტეტის მერიის საჯარიმო ქვითრის აღრიცხვის ჟურნალის ფორმა - დანართი N6;

მუხლი 7

დამტკიცდეს დაბრუნებული (გაფუჭებული, უვარგისი) ადმინისტრაციული სამართალდარღვევის ოქმების აღრიცხვის ჟურნალის ფორმა - დანართი N7;

მუხლი 8

დამტკიცდეს დაბრუნებული (გაფუჭებული, უვარგისი) საჯარიმო ქვითრების აღრიცხვის ჟურნალის ფორმა - დანართი N8;



მუხლი 9

დამტკიცდეს გამოსაყენებლად უვარგისი ადმინისტრაციული სამართალდარღვევათა ოქმისა და საჯარიმო ქვითრის ჩამოწერის აქტის ფორმა - დანართი N9;

მუხლი 10

დამტკიცდეს შემოწმების აქტის ფორმა - დანართი N10;

მუხლი 11

დამტკიცდეს უწყების ფორმა - დანართი N11;

მუხლი 12

დამტკიცდეს ყვარლის მუნიციპალიტეტის მერიის სააღსრულებლო ფურცლის ფორმა - დანართი N12;

მუხლი 13

ძალადაკარგულად გამოცხადდეს ყვარლის მუნიციპალიტეტის საკრებულოს 2018 წლის 3 დეკემბრის N62 დადგენილება „ყვარლის მუნიციპალიტეტში ადმინისტრაციულ სამართალდარღვევათა საქმისწარმოებისათვის საჭირო დოკუმენტების აღრიცხვა-ანგარიშგების წესის, ამ დოკუმენტების ფორმებისა და ნიმუშების დამტკიცების შესახებ“ (www.matsne.gov.ge, 06/12/2018, 010250050.35.164.016336)

მუხლი 14

დადგენილება ამოქმედდეს გამოქვეყნებისთანავე.

ყვარლის მუნიციპალიტეტის
საკრებულოს თავმჯდომარე

დავით ქევიციანი

დანართი 1

ყვარლის მუნიციპალიტეტში ადმინისტრაციულ სამართალდარღვევათა საქმისწარმოებისათვის
საჭირო დოკუმენტების აღრიცხვა-ანგარიშგების წესი

მუხლი 1. ზოგადი დებულებები

1. ყვარლის მუნიციპალიტეტში ადმინისტრაციულ სამართალდარღვევათა საქმისწარმოებისათვის საჭირო დოკუმენტების აღრიცხვა-ანგარიშგების წესი (შემდგომში – წესი) შემუშავებულია „მკაცრი აღრიცხვის ფორმების შესახებ“ საქართველოს კანონის მე -8 მუხლის პირველი პუნქტისა და „მკაცრი აღრიცხვის ფორმების ნუსხის, მკაცრი აღრიცხვის ფორმების რეგისტრაციის წესისა და მკაცრი აღრიცხვის ფორმების რეგისტრაციის ჟურნალის ფორმის დამტკიცების თაობაზე“ საქართველოს ეკონომიკისა და მდგრადი განვითარების მინისტრის 2020 წლის 31 აგვისტოს N 1-1/345 ბრძანების საფუძველზე.

2. ყვარლის მუნიციპალიტეტის მერიის მიერ ადმინისტრაციულ სამართალდარღვევათა ოქმისა (შემდგომში – ოქმი) და ადმინისტრაციული სამართალდარღვევის თაობაზე საჯარიმო ქვითრის (შემდგომში – საჯარიმო ქვითარი) გამოყენება და აღრიცხვა-ანგარიშგება ხორციელდება საქართველოს კანონმდებლობისა და ამ წესის საფუძველზე .

3. ამ წესში მოცემული ცნებები გამოიყენება „მკაცრი აღრიცხვის ფორმების შესახებ“ საქართველოს კანონითა და საქართველოს ადმინისტრაციულ სამართალდარღვევათა კოდექსით განსაზღვრული მნიშვნელობით.

მუხლი 2. ოქმისა და საჯარიმო ქვითრის დამზადება და მომარაგება

1. წინამდებარე წესით განსაზღვრული ოქმი და საჯარიმო ქვითარი წარმოადგენს მესამე კატეგორიის –



„მარტივი ტიპის“ მკაცრი აღრიცხვის ფორმას, რომელიც იბეჭდება შესაბამისი კატეგორიის პოლიგრაფიული საწარმოს მიერ.

2. ოქმებითა და საჯარიმო ქვითრებით მომარაგებას ყვარლის მუნიციპალიტეტის მერია ახორციელებს დამოუკიდებლად. ოქმისა და საჯარიმო ქვითრის შეკვეთას ყვარლის მუნიციპალიტეტის მერია აწარმოებს „მკაცრი აღრიცხვის ფორმების შესახებ“ საქართველოს კანონის თანახმად შერჩეულ პოლიგრაფიულ საწარმოში.

3. ოქმისა და საჯარიმო ქვითრის დასაწყისი გვერდის ზედა ცენტრალურ ნაწილში პოლიგრაფიული წესით აღნიშნული უნდა იყოს შესაბამისი მკაცრი აღრიცხვის ფორმისათვის საქართველოს ეკონომიკისა და მდგრადი განვითარების სამინისტროს მიერ დადგენილი წესით მინიჭებული სარეგისტრაციო ნომერი და საქართველოს ეკონომიკისა და მდგრადი განვითარების სამინისტროს ინიციალები - „სემგს“, ზედა მარცხენა კუთხეში პოლიგრაფიული წესით აღნიშნული უნდა იყოს მკაცრი აღრიცხვის ფორმის ინდივიდუალური ნომერი და პოლიგრაფიული წესით აღნიშნული უნდა იყოს შესაბამისი სერია. ოქმებისა და საჯარიმო ქვითრების ინდივიდუალური (ექსკლუზიური) ნომერი შედგება 6 ციფრისაგან, რომლის ნუმერაცია თანმიმდევრულად ხორციელდება შესაბამისი პოლიგრაფიული საწარმოს მიერ, ნუმერატორით მითითებული ნომრით. ოქმზე მიეთითება სერია „აო“, რომელიც აღნიშნავს ადმინისტრაციულ ოქმს, ხოლო საჯარიმო ქვითარზე მიეთითება სერია „სჯ“, რომელიც აღნიშნავს საკუთრივ საჯარიმო ქვითარს. ოქმისა და საჯარიმო ქვითრის ბოლო გვერდის ქვედა მარცხენა კუთხეში (დამკვირვებლის პოზიციიდან) დაიტანება დამამზადებელი პოლიგრაფიული საწარმოსა და დამკვეთის – ყვარლის მუნიციპალიტეტის მერიის სახელწოდება.

4. წინამდებარე წესის მე-5 მუხლის მე-3 პუნქტისა და მე-6 მუხლების მე-4 პუნქტის მოთხოვნათა გათვალისწინებით, იდენტური ინდივიდუალური ნომრის მქონე ოქმი და იდენტური ინდივიდუალური ნომრის მქონე საჯარიმო ქვითარი მზადდება 3 ეგზემპლარად.

5. პოლიგრაფიული საწარმოდან ოქმებისა და საჯარიმო ქვითრების გამოტანის უფლება აქვს პირს, რომელსაც გააჩნია სათანადო წესით გაფორმებული მინდობილობა. მინდობილობა ყვარლის მუნიციპალიტეტის მერის ბრძანებით შეიძლება მიეცეს მერიის ერთ-ერთ საჯარო მოსამსახურეს. მინდობილი პირი მკაცრი აღრიცხვის შესაბამის ფორმებს პასუხისმგებელ პირს აბარებს შესაბამის მოხსენებით ბარათზე ყვარლის მუნიციპალიტეტის მერის რეზოლუციის საფუძველზე, სათანადოდ გაფორმებული (ხელმოწერებითა და მერიის ადმინისტრაციული სამსახურის ბეჭდით დამოწმებული) მიღება-ჩაბარების აქტით.

მუხლი 3. ოქმისა და საჯარიმო ქვითრის გაცემა და დაბრუნება

1. ოქმებისა და საჯარიმო ქვითრების გაცემა მერიის შესაბამის სამსახურზე (შემდგომში – სამსახური) ხორციელდება მათი წერილობითი მოთხოვნის საფუძველზე.

2. ოქმებისა და საჯარიმო ქვითრების მიღება-ჩაბარება აღრიცხება ადმინისტრაციულ სამართალდარღვევათა ოქმისა და საჯარიმო ქვითრის აღრიცხვის ჟურნალებში. ჟურნალი უნდა იყოს ზონარგაყრილი, დანომრილი და დალუქული (პასუხისმგებელი პირის ხელმოწერითა და მერიის ადმინისტრაციული სამსახურის ბეჭდით დამოწმებული). ჟურნალის ფორმა განისაზღვრება №5 და №6 დანართების შესაბამისად.

3. ჟურნალებში ყველა ჩანაწერი კეთდება ლურჯი ან შავი ბურთულიანი კალმით. დაუშვებელია გადაფხევა, გადასწორება წაშლა ან ადრე გაკეთებული ჩანაწერის შესწორება. აუცილებლობის შემთხვევაში უზუსტო ჩანაწერი გადაიხაზება ერთი ხაზით ისე, რომ ნათლად ჩანდეს ადრე დაწერილი ტექსტი. ჟურნალის მწარმოებელი პასუხისმგებელი პირი აკეთებს შესაბამის ჩანაწერს „შენიშვნის“ გრაფაში, აწერს ხელს და უთითებს თარიღს.

4. ოქმებისა და საჯარიმო ქვითრების ყვარლის მუნიციპალიტეტის მერიის შესაბამის სამსახურებზე გაცემას ყვარლის მუნიციპალიტეტის მერის გადაწყვეტილებით (რეზოლუცია, ბრძანება, წერილობითი თანხმობა და სხვა) ახორციელებს პასუხისმგებელი პირი (შემდგომში – პასუხისმგებელი პირი), რომელსაც ეკისრება კონკრეტული პასუხისმგებლობა მკაცრი აღრიცხვის ფორმების შენახვასა და მკაცრი აღრიცხვის ფორმებთან დაკავშირებული, კანონმდებლობით დადგენილი მოთხოვნების დაცვაზე. პასუხისმგებელ პირს ბრძანებით განსაზღვრავს ყვარლის მუნიციპალიტეტის მერი.



5. პასუხისმგებელი პირი აღრიცხავს ოქმებისა და საჯარიმო ქვითრების გაცემასა და გამოსაყენებლად უვარგისი (გაფუჭებული) ოქმებისა და საჯარიმო ქვითრების დაბრუნებას, რის შესახებაც ყოველ კვარტალურად წერილობით ანგარიშს წარუდგენს ყვარლის მუნიციპალიტეტის მერს.

მუხლი 4. ოქმებისა და საჯარიმო ქვითრების შენახვა

1. ოქმებისა და საჯარიმო ქვითრების შენახვა ხორციელდება „მკაცრი აღრიცხვის ფორმების შესახებ“ საქართველოს კანონის მე-8 მუხლის მე-5, მე-6 და მე-7 პუნქტების შესაბამისად.
2. ოქმები და საჯარიმო ქვითრები უნდა ინახებოდეს ცეცხლგამძლე კარადაში.
3. სათავსო, სადაც ინახება ოქმები და საჯარიმო ქვითრები, უნდა იყოს ხელშეუხებელი გარე პირთათვის და სათანადოდ დაცული დაზიანებისაგან.
4. ოქმები და საჯარიმო ქვითრები სამსახურებზე გადაცემამდე ინახება ამ ფორმის გამოყენებასა და აღრიცხვა-ანგარიშგებაზე პასუხისმგებელ პირთან, ხოლო სამსახურებზე გადაცემული ოქმები და საჯარიმო ქვითრები ინახება შესაბამისი სამსახურის უფროსთან.

მუხლი 5. ოქმების შევსება და წარმოება

1. ოქმი ივსება ლურჯი ან შავი ბურთულიანი კალმით. ოქმში ყველა ჩანაწერი კეთდება გარკვევით. დაუშვებელია გადახაზვა, გადაფხეკვა, გადაშლა და ა.შ. ოქმის დაზიანების ან მასში არასწორი მონაცემების შეტანის შემთხვევაში, ივსება ახალი ოქმი, ძველი გადაიხაზება ჯვარედინად, რომელსაც ოქმის შემდგენლის მოხსენებითი ბარათით, გაუქმების მიზეზების მითითებით იმავე დღესვე აბარებს სამსახურის უფროსს (თუ ოქმის შედგენას არ აწარმოებდა მოცემული სამსახურის ხელმძღვანელი). გამოსაყენებლად უვარგისი (გაფუჭებული) ოქმების შესახებ დამტკიცებული ფორმის მიხედვით დგება ჩამოწერის აქტი. ჩამოწერილი ოქმები, რომელსაც თან ერთვის ჩამოწერის აქტი, ყოველი თვის ბოლოს სამსახურის ხელმძღვანელის წერილობითი მოხსენებითი ბარათით, ყვარლის მუნიციპალიტეტის მერის რეზოლუციით გადაეცემა (უბრუნდება) პასუხისმგებელ პირს.
2. ოქმში შესატანი მონაცემები განისაზღვრება საქართველოს ადმინისტრაციულ სამართალდარღვევათა კოდექსის 240-ე მუხლის შესაბამისად.
3. ადმინისტრაციულ სამართალდარღვევათა ოქმი დგება სამ ეგზემპლარად . შედგენილი ოქმის ერთი ეგზემპლარი გადაეცემა სამართალდამრღვევს, რაზედაც ოქმში კეთდება სათანადო ჩანაწერი. ოქმის მეორე ეგზემპლარი რჩება შესაბამის სამსახურში, ხოლო მესამე ეგზემპლარი კანონით გათვალისწინებულ შემთხვევაში იგზავნება სასამართლოში ან ადმინისტრაციული სამართალდარღვევის საქმის განმხილველ სხვა შესაბამის ორგანოში.
4. ოქმი, მისი შედგენიდან არაუგვიანეს მეორე სამუშაო დღისა, რეგისტრირებული უნდა იქნეს სპეციალურად ზონარგაყრილ, დანომრილ და დალუქულ (სამსახურის ხელმძღვანელის ხელმოწერითა და ადმინისტრაციული სამსახურის ბეჭდით დამოწმებული) წიგნში და შემდგომი რეაგირებისათვის დაუყოვნებლივ უნდა გადაეგზავნოს იმ ორგანოს (თანამდებობის პირს), რომელიც უფლებამოსილია განიხილოს ადმინისტრაციულ სამართალდარღვევის საქმე.
5. ოქმის შემდგენი და საქმის განმხილველი ორგანო ვალდებულია საქართველოს ადმინისტრაციულ სამართალდარღვევათა კოდექსით გათვალისწინებული ოქმის შედგენიდან ან/და დადგენილების გამოტანიდან 10 დღის ვადაში აცნობოს საქართველოს შინაგან საქმეთა სამინისტროს შესაბამის სტრუქტურულ ქვედანაყოფს (ერთიან საინფორმაციო ბანკს).

მუხლი 6. საჯარიმო ქვითრის შევსება და წარმოება

1. საჯარიმო ქვითარი ივსება საქართველოს ადმინისტრაციულ სამართალდარღვევათა კოდექსის 242-ე მუხლით გათვალისწინებულ შემთხვევებში და წესით.
2. საჯარიმო ქვითარი იმავდროულად წარმოადგენს ადმინისტრაციულ სამართალდარღვევათა ოქმს და



შედგება ორი ნაწილისაგან:

ნაწილი I - საჯარიმო ქვითარი;

ნაწილი II- საჯარიმო ქვითრის ყუა.

3. საჯარიმო ქვითრის შევსება და წარმოება ხორციელდება ამ წესის მე-5 მუხლის პირველი პუნქტის შესაბამისად.

4. საჯარიმო ქვითარი ივსება სამ ეგზემპლარად. პირველი ეგზემპლარი რჩება მის შემვსებ საჯარო მოსამსახურესთან, მეორე გადაეცემა სამართალდამრღვევს, ხოლო საქმეზე გამოტანილი გადაწყვეტილების იძულებითი აღსრულების აუცილებლობის შემთხვევაში, საჯარიმო ქვითრის მესამე პირი, სააღსრულებო ფურცელთან ერთად ეგზავნება საჯარო სამართლის იურიდიულ პირს – აღსრულების ეროვნულ ბიუროს.

5. საჯარიმო ქვითრის I ნაწილს ავსებს ყვარლის მუნიციპალიტეტის მერიის უფლებამოსილი მოსამსახურე.

6. საჯარიმო ქვითრის II ნაწილი ივსება საბანკო დაწესებულების ან საჯარიმო თანხის შემომტანი პირის მიერ I ნაწილის შესაბამისად.

7. საჯარიმო ქვითარი, მისი შედგენიდან არაუგვიანეს მეორე სამუშაო დღისა, თავისი რეკვიზიტებისა და შინაარსის მიხედვით რეგისტრირებული უნდა იქნეს სპეციალურ ზონარგაყრილ, დანომრილ და დალუქულ (სამსახურის ხელმძღვანელის ხელმოწერითა და ადმინისტრაციული სამსახურის ბეჭდით დამოწმებულ) წიგნში.

მუხლი 7. გამოსაყენებლად უვარგისი ოქმებისა და საჯარიმო ქვითრის ჩამოწერა

1. გამოსაყენებლად უვარგისი ოქმებისა და საჯარიმო ქვითრის ჩამოწერა შეიძლება:

ა) შევსების დროს დაშვებული შეცდომის გამო;

ბ) ოქმების ან საჯარიმო ქვითრის ფიზიკური დაზიანების გამო;

გ) დამზადებისას დაშვებული შეცდომისა და დაზიანების გამო.

2. გამოსაყენებლად უვარგისი ოქმისა და საჯარიმო ქვითრის ჩამოწერა უნდა მოხდეს ჩამოწერის აქტის მიხედვით. გამოსაყენებლად უვარგისი ოქმებისა და საჯარიმო ქვითრების რაოდენობა და თითოეული მათგანის ინდივიდუალური ნუმერაცია შეტანილი უნდა იქნეს მკაცრი აღრიცხვის ფორმების (დოკუმენტების) ჩამოწერის აქტში. ჩამოწერის აქტს ხელს აწერს ყვარლის მუნიციპალიტეტის მერიის შესაბამისი სამსახურის ხელმძღვანელი, აგრეთვე ოქმის (საჯარიმო ქვითრის) შედგენაზე უფლებამოსილი პირი.

3. გამოსაყენებლად უვარგისი ოქმებისა და საჯარიმო ქვითრების ექსპერტიზა-უტილიზაცია ხორციელდება საქართველოს ეკონომიკისა და მდგრადი განვითარების მინისტრის 2020 წლის 31 აგვისტოს №1-1/344 ბრძანებით დამტკიცებული ინსტრუქციის შესაბამისად.

დანართი 2





ყვარლის მუნიციპალიტეტის მერია

ქ. ყვარელი, კუდიგორის ქ. N 1

ტელ.: (0 352) 22 12 01

ადმინისტრაციული სამართალდარღვევის

ოქმი № 000000

_____ 20____ წ.

(თარიღი)

(ოქმის შედგენის ადგილი)

მე, _____ ყვარლის მუნიციპალიტეტის მერიის _____
_____ სამსახურის _____

(ოქმის შემდგენლის თანამდებობა, სახელი, გვარი)

საქართველოს ადმინისტრაციულ სამართალდარღვევათა კოდექსის _____ მუხლისა და
_____ საქართველოს კანონის
შესაბამისად შევადგინე აღნიშნული ოქმი.

სამართალდამრღვევს განემართა საქართველოს ადმინისტრაციულ სამართალდარღვევათა კოდექსის _____
მუხლით გათვალისწინებული ადმინისტრაციულ პასუხისგებაში მიცემული პირის უფლებები და მოვალეობები.

სამართალდარღვევის ჩადენის ადგილი, დრო

სამართალდამრღვევი იურიდიული პირის სრული დასახელება; მოქალაქის სახელი, გვარი, დაბადების
თარიღი, საიდენტიფიკაციო მონაცემები, მისამართი

სამართალდამრღვევი სუბიექტის იურიდიული მისამართი

სამართალდარღვევის შინაარსი:

რაც გათვალისწინებულია _____

მიეთითოს კანონის შესაბამისი მუხლი, პუნქტი

აღნიშნულ სამართალდარღვევასთან დაკავშირებით სამართალდამრღვევი პირის



ახსნა-განმარტება:

მე, _____

სამართალდამრღვევი პირის სახელი, გვარი

გავეცანი საქართველოს ადმინისტრაციულ სამართალდარღვევათა კოდექსის 252-ე მუხლით გათვალისწინებულ უფლებებსა და მოვალეობებს:

„ადმინისტრაციულ პასუხისგებაში მიცემულ პირს უფლება აქვს გაეცნოს საქმის მასალებს, მისცეს ახსნა-განმარტებანი, წარმოადგინოს მტკიცებულებანი, განაცხადოს შუამდგომლობანი; საქმის განხილვისას ისარგებლოს ადვოკატის იურიდიული დახმარებით; გამოვიდეს მშობლიურ ენაზე და თუ არ იცის სამართალწარმოების ენა, ისარგებლოს თარჯიმნის მომსახურებით; გაასაჩივროს საქმის გამო მიღებული დადგენილება. ადმინისტრაციული სამართალდარღვევის საქმე განიხილება იმ პირის თანდასწრებით, რომელიც მიცემულია ადმინისტრაციულ პასუხისგებაში. ამ პირის დაუსწრებლად საქმე შეიძლება განხილულ იქნეს მხოლოდ ისეთ შემთხვევაში, როცა არის ცნობა მისთვის საქმის განხილვის ადგილისა და დროის დროულად შეტყობინების შესახებ და მისგან არ არის შემოსული შუამდგომლობა საქმის განხილვის გადადების თაობაზე“.

ზემოაღნიშნული სამართალდარღვევის გამო შედგა ეს ოქმი, რომლის სისწორესაც ვადასტურებთ ხელმოწერით:

ოქმი შევადგინე:

_____ ოქმის შემდგენელი პირის ხელმოწერა

ოქმს გავეცანი:

_____ სამართალდამრღვევი პირის ხელმოწერა

მოწმე(ები) (დასწრების შემთხვევაში):

_____ სახელი, გვარი მისამართი, პირადობის მოწმობის N ხელმოწერა

_____ სახელი, გვარი მისამართი, პირადობის მოწმობის N ხელმოწერა

დაზარალებულ(ებ)ი (თუ ასეთები არიან):

_____ სახელი, გვარი მისამართი, პირადობის მოწმობის N ხელმოწერა

_____ სახელი, გვარი მისამართი, პირადობის მოწმობის N ხელმოწერა



ოქმის ასლი ჩავიბარე:

სამართალდამრღვევის სახელი, გვარი

მისამართი, პირადობის მოწმობის N

ხელმოწერა

ჩანაწერი ადმინისტრაციული სამართალდამრღვევის მიერ ოქმის ხელმოწერაზე უარის თქმის შემთხვევაში:

შენიშვნა: ოქმის ხელმოწერაზე უარის თქმა არ არის საქმის შეწყვეტის საფუძველი. სამართალდამრღვევს უფლება აქვს წარმოადგინოს ოქმზე დასართავი ახსნა-განმარტება და შენიშვნები ოქმის შინაარსის შესახებ, აგრეთვე ჩამოაყალიბოს მის ხელმოწერაზე უარის თქმის მოტივი.

დამკვეთი: ყვარლის მუნიციპალიტეტის მერია

დამამზადებელი:

სემგს-ს რეგისტრაციის №

დანართი 3

ყვარლის მუნიციპალიტეტის მერია

საჯარიმო ქვითარი №000000

ნაწილი I

ბ.ა.

20 წ.

(შედგენის თარიღი)

(შედგენის ადგილი)

1. _____

(საჯარიმო ქვითრის შემდგენლის თანამდებობა, სახელი და გვარი)

2. სამართალდამრღვევის:

ა) სახელი და გვარი _____

ბ) დაბადების თარიღი _____

გ) სამუშაო ადგილი _____

დ) საცხოვრებელი ადგილის მისამართი _____

იურიდიული პირის შემთხვევაში – სრული სახელწოდება, ორგანიზაციულ-სამართლებრივი ფორმა, რეგისტრაციის რეკვიზიტები: _____

3. სამართალდარღვევის ჩადენის ადგილი, დრო და არსი: _____

4. საქართველოს ადმინისტრაციულ სამართალდარღვევათა კოდექსის მუხლი, ნაწილი, ქვეპუნქტი: _____



5. დაზარალებულის სახელი, გვარი, მისამართი, პირადი № _____

6. მოწმის (მოწმეების) სახელი, გვარი, მისამართი, პირადი № _____

7. საჯარიმო თანხის ოდენობა: _____

(ციფრებით, სიტყვიერად)

8. დაზარალებული: _____

(ხელმოწერა)

მოწმე (მოწმეები): _____

(ხელმოწერა)

სამართალდამრღვევი: _____

(ხელმოწერა ან ხელმოწერაზე უარის თქმის დადასტურება)

საჯარიმო ქვითრის შემდგენელი: _____

(ხელმოწერა)

9. ჩავიბარე: _____

(სამართალდამრღვევის ხელმოწერა ან ხელმოწერაზე უარის თქმის დადასტურება)

საჯარიმო ქვითრის ყუა №000000

ნაწილი II

(ეს ნაწილი რჩება საბანკო დაწესებულებაში)

1. _____

(გადამხდელის სახელი, გვარი)

2. _____

(საცხოვრებელი ადგილის მისამართი)

3. პირადი № _____;

4. პირადობის მოწმობის (პასპორტის) № _____

5. _____

საჯარიმო თანხის ოდენობა (ციფრებით, სიტყვიერად)



6. საქართველოს ადმინისტრაციულ სამართალდარღვევათა კოდექსის მუხლი, ნაწილი, ქვეპუნქტი:

7. საბანკო კოდი: _____

8. სახაზინო კოდი: _____

9. მიმღები მოლარე: _____

(ხელმოწერა)

10. შემომტანი: _____

(ხელმოწერა)

ბ.ა.

თარიღი: _____

(წელი, თვე, რიცხვი)

საჯარიმო ქვითრის ყუა ივსება საბანკო

დაწესებულების ან საჯარიმო თანხის შემომტანის

მიერ.

დამკვეთი: ყვარლის მუნიციპალიტეტის მერია

დამამზადებელი:

სემგს-ს რეგისტრაციის №

დანართი 4



ყვარლის მუნიციპალიტეტის მერია

ქ. ყვარელი, კუდიგორის ქ. N 1

ტელ.:(0 352) 22 12 01



შედგენის თარიღი: _____

1. მოქმედი კანონმდებლობის შესაბამისად მშენებლობის საჯარო ზედამხედველობის ორგანო ადმინისტრაციულ წარმოებას იწყებს სამართალდამრღვევის მიმართ მითითების გაცემით, რომელიც წარმოადგენს სამშენებლო საქმიანობის შესახებ დამრღვევის მიმართ გაცემულ შენიშვნას შეუსაბამობაზე და მოთხოვნას, რომლითაც განისაზღვრება გონივრული ვადა, რომლის ფარგლებშიც მან უნდა შეასრულოს მითითებით დადგენილი პირობები სამშენებლო სამართალდარღვევის გამოსასწორებლად.

2. _____

მითითების გამცემი (თანამდებობა, სახელი, გვარი, ხელმოწერა)

3. _____

(დამრღვევის დასახელება, მისამართი)

4. _____

(ობიექტის დასახელება, მისამართი)

5. მშენებლობის ეტაპი მითითების გაცემის მომენტისათვის

6. გასატარებელი ღონისძიებები: _____

7. მითითებით განსაზღვრული გასატარებელი ღონისძიებების შესრულების ვადა: _____
_____ დღე.

8. საჯარიმო სანქცია აღნიშნულ დარღვევაზე განისაზღვრება _____ ლარით.

9. მითითება პირადად ბარდება ადრესატს ან/და განთავსდება მითითებული ობიექტის თვალსაჩინო ადგილზე.

10. მითითება შედგენილია სამ ეგზემპლარად, სამივეს აქვს თანაბარი იურიდიული ძალა.

11. მითითება ჩაიბარა: _____

(სახელი, გვარი, მიღების თარიღი, ხელმოწერა)

12. მითითება გაეცნო (ჩაბარდა) დამრღვევს თვალსაჩინო ადგილზე განთავსების გზით.

(ზუსტად მიეთითოს თვალსაჩინო ადგილი)

13. _____



(განთავსების თარიღი)

დამკვეთი: ყვარლის მუნიციპალიტეტის მერია

დამამზადებელი:

სემგს-ს რეგისტრაციის №

დანართი №5

ადმინისტრაციული სამართალდარღვევის ოქმების აღრიცხვის ჟურნალის ფორმა

გაცემის თარიღი #	ადმინისტრაციული სამართალდარღვევის ოქმის #	ადმინისტრაციული სამართალდარღვევის ოქმის გამცემი				ადმინისტრაციული სამართალდარღვევის ოქმის მიმღები				შენიშვნა	
		სახელი	გვარი	თანამდებობა	ხელმოწერა	სახელი	გვარი	თანამდებობა	ხელმოწერა		
1	2	3	4	5	6	7	8	9	10	11	12

დანართი №6

საჯარიმო ქვითრების აღრიცხვის ჟურნალის ფორმა

გაცემის თარიღი #	საჯარიმო ქვითრის #	საჯარიმო ქვითრის გამცემი				საჯარიმო ქვითრის მიმღები				შენიშვნა	
		სახელი	გვარი	თანამდებობა	ხელმოწერა	სახელი	გვარი	თანამდებობა	ხელმოწერა		
1	2	3	4	5	6	7	8	9	10	11	12



ხელმოწერით ვადასტურებთ აქტის მიხედვით წარმოდგენილი უვარგისი ოქმებისა და საჯარიმო ქვითრების

ჩამოწერის სისწორეს:

ფორმების გამოყენებასა და აღრიცხვა-ანგარიშგებაზე პასუხისმგებელი პირი: -----

სტრუქტურული ერთეულის (სამსახურის) ხელმძღვანელი: -----

ოქმის (საჯარიმო ქვითრის) შედგენაზე უფლებამოსილი პირი: -----

დანართი 10



ყვარლის მუნიციპალიტეტის მერია

ქ. ყვარელი, კუდიგორის ქ. N 1

ტელ.: (0 352) 22 12 01

შემოწმების აქტი #

შედგენის თარიღი _____

1. შემოწმების აქტი დგება 20 წლის _____ გაცემული № _____ მითითებით გათვალისწინებული პირობების შესრულების მდგომარეობის დასადგენად.

2. დარღვევის დასახელება და მისამართი: _____

3. ობიექტის დასახელება და მისამართი: _____

4. შემოწმების მომენტში მშენებლობის ეტაპი: _____

5. შემოწმებით დადგინდა: _____

რითაც დგინდება, რომ:

ა) მითითება შესრულდა;

ბ) მითითება არ შესრულდა;



გ) მითითება სრულდება არადროულად.

დანართი 11



ყვარლის მუნიციპალიტეტის მერია

ქ. ყვარელი, კუდიგორის ქ. N 1

ტელ.: (0 352) 22 12 01

უ წ ყ ე ბ ა №

1. საქართველოს სივრცის დაგეგმარების, არქიტექტურული და სამშენებლო საქმიანობის კოდექსის 125-ე მუხლის მე-2¹ პუნქტის შესაბამისად დაბარებული ხართ ყვარლის მუნიციპალიტეტის მერიის ზედამხედველობის სამსახურში - სამშენებლო სამართალდარღვევის აქტთან დაკავშირებით.

2. _____

(დამრღვევის დასახელება და მისამართი)

3. _____

(ობიექტის დასახელება და მისამართი)

4. _____

(საქმის განხილვის თარიღი, საქმის განხილვის ადგილი)

5. _____

(საქმის განმხილველი თანამდებობის პირი).

დანართი 12



ყვარლის მუნიციპალიტეტის მერია

ქ. ყვარელი, კუდიგორის ქ. N 1

ტელ.: (0 352) 22 12 01



საქმე # _____

სააღსრულებო ფურცელი

(სააღსრულებლო ფურცლის გამცემი)

საქმე, რომლის გამოც გაცემულია სააღსრულებო ფურცელი

საჯარიმო ქვიტორის – ადმინისტრაციული სამართალდარღვევის ოქმის შედგენის თარიღი

საჯარიმო ქვიტორის – ადმინისტრაციული სამართალდარღვევის ოქმის კანონიერ ძალაში შესვლის თარიღი

დადგენილების/საჯარიმო ქვიტორის – ადმინისტრაციული სამართალდარღვევის ოქმის სარეზოლუციო ნაწილი

კრედიტორის დასახელება და რეკვიზიტები: _____

მოვალის დასახელება და რეკვიზიტები: _____

სააღსრულებო ფურცლის გაცემის თარიღი: _____

უფლებამოსილი საჯარო მოსამსახურის ხელმოწერა: -----

